

TISSIME, in Ambrosii Cathedram evedtus gau-
dio nos implevisti, ac Diocesim universam utili-
tate. Floret enim in dies monitis, exemplo, ge-
stisque Tuis; unde novimus quæ fuerint arcana
Divinae Providentiæ consilia in Te uno præ ce-
teris ad eam dignitatem eligendo. Quanta vero
fuerit exultatio nostra cum Te communem pa-
trem habuimus, facile fuerit a similitudine stu-
diorum æstimandum, quæ præstantior est ratio
ad animos invicem conjungendos; memores quip-
pe sumus, cum in privatis esses, quot nos erudi-
tionis Tuæ argumentis, quantisque stimulis ad
arduum opus capessendum incitares, quod, fa-
vente Deo, tandem est absolutum. Neque dissi-
mulandum est, quod inter primas Tui muneris
curas ea fuerit nostræ simillima de colligendis il-
lustrandisque veteribus monumentis, ex quibus
potissimum Ambrosiana Ecclesia tantum aucto-
ritatis apud ceteras omnes ob doctrinæ purita-
tem, ac mysteriorum gravitatem est adeptæ, quæ-
que a temporis edacitate servata perpetuum fu-
tura sunt beneficii Tui argumentum. Inscriptum
itaque volumus extremum hunc Tomum Colle-
ctionis nostræ, qui duas in partes dividitur, sa-
cro Nomine Tuo, ut sit retributionis nostræ pu-
blicum signum perpetuè duraturum, Tibique so-
lidum documentum, quanti consilia tua de hoc
Opere instruendo fecerimus, ad quod septempli-
cis Indicis emolumentum accedit, cujus uberior,
& commodior pars in volumen alterum aman-
data brevè publicam in lucem est emittenda;
cum-